



VVidechindus natione Saxo, literarum desiderio monachus factus est Corbeiensis cœnobij in Saxonia, ordinis S. Benedicti. In eo loco diligentem operam studijs impendit, atq; magnam eruditionem nactus, antiquos Saxonum annales reuoluit & in ordinem redegit, Anno Christi circiter noningentesimo octuagesimo. Itaque ab exordio Saxonum usque ad mortem Ottonis primi, ad Mechtildam eius filiam Historiam libris tribus comprehensam scripsit. præterea res gestas Ottonis primi. Deinde metricè passionem Teclæ uirginis, & Pauli primi Eremitæ uitam. hinc factum ut is sibi apud eius seculi homines, & posteros quoque magnum no-

men compararit. Fuerat is superioris Vuindichini ex fratre nepos. Itaq; patris studia amplexus, ea continuauit & absoluit. Sunt tamen qui hunc cum superiore eundem affirmant. Floruit circa an. Christi 1000. Ges. in Bibliotheca,